

latou e atiina ae le malosi e filifili ai ala o le a tausia ma le saogalemu i latou i luga o le ala i le ola e faavavau.

Aoao atu upu moni, ma o le Agaga Paia o le a auai i au taumafaiga.

“Faaaoao ia te A’u”

Ona o Iesu Keriso sa atoatoa le usiusitai ma le gauai i Lona Tama, na “tupu le potu ma le tino o Iesu, ua alofagia o Ia e le Atua atoa ma tagata.”¹⁰ Pe tatou te naunautai e faia faapea? E pei lava o Iesu “sa maua e Ia le alofa tunoa mo le alofa tunoa,”¹¹ e tatau ona tatou onosai ma faifai pea le saili o le malamalama ma le potu mai le Atua i a tatou taumafaiga e aoaoina le talalelei.

O le faalogo o se elemene taua lea o le aoaoina. Pe a saunia e aoaoina, tatou te saili ma le loto tatalo musumusuga ma le faamaoniga mai le Agaga Paia. Tatou te mafau-fau loloto, tatou te tatalo, tatou te faaogaina lesona o le talalelei, ma tatou te sailia le finagalo o le Tama mo i tatou.¹²

TAMAITI

Aoao e uiga ia Iesu

O le Agaga Paia e tuuina mai ia i tatou lagona toa-filemu ina ia fesoasoani ia i tatou e iloa ai o Iesu e moni ma e alofa ia i tatou. Tusi pe vali se mea ua e aoaoina e uiga ia Iesu.

O Iesu “e tele mea na aoao atu ai . . . i faataoto,”¹³ lea e manaomia ai taliga e faalogo, mata e vaai, ma loto ia malamalama. A o tatou ola agavaa, e mafai ona sili atu ona tatou faalogo i musumusuga a le Agaga Paia, lea e mafai ona “aoao [tatou] i mea uma, e faamanatu mai foi o ia ia i [tatou] i mea uma.”¹⁴

Pe a tatou tali atu i le valaaulia agamalu a le Alii, “Faa-aoao ia te au,” e avea i tatou ma e ua tofusua i Lona mana paia. Sei o tatou, o le mea lea, ia agai i luma i le agaga o le usiusitai, mulimuli i lo tatou Faataitaiga e ala i le aoao atu e pei ona finagalo o Ia ia tatou aoao atu ma aoaoina e pei ona finagalo o Ia ia tatou aoaoina. ■

FAAMATALAGA

1. Mataio 11:29.
2. Ioane 3:2.
3. Luka 18:22.
4. 3 Nifae 18:16.
5. Mataio 18:1–3; faaopoopo le faamamafa.
6. Mataupu Faavae ma Feagaiga 88:77–78.

7. 1 Peteru 3:15.
8. Moronae 7:41.
9. Ioane 5:39.
10. Luka 2:52.
11. Mataupu Faavae ma Feagaiga 93:12.
12. Tagai i le Ioane 5:30.
13. Mareko 4:2.
14. Ioane 14:26.

